

## **S1: (ILOCANO)**

### **Saludsod:**

“Rumbeng kadi a maamendaran ti Rebisado a Karta ti Siudad tapno maobligar ti Konseho ti Siudad a mangilasin iti pondo, a saan a maigiddan a maingato ti buis dagiti sanikua tapno maponduan dayta, kagudua ti maysa a porsiento ti natantia a mapastrek ti Siudad iti buis dagiti sanikua iti badyet ken pang-kapital a programa iti kada piskal a tawen, a maideposito iti Pondo iti Panangsango iti Klima, a ti panggepna ket panangsuporta kadagiti panagregget ken proyekto a nairanta a pangpalag-an kadagiti epekto ti panagbaliw ti klima, panangpatibker kadagiti imprastratura ken komunidad iti Siudad, ken mangitandudo kadagiti makapasayaat a kaugalian?”

WEN SAAN

### **Agdama a Situasion:**

Iti agdama, awan pay ti Pondo iti Panangsango iti Klima. Ti panagpondo a mangsuporta kadagiti panagregget ken proyekto a nairanta a pangpalag-an kadagiti epekto ti panagbaliw ti klima, panangpatibker kadagiti imprastratura ken komunidad iti Siudad, ken mangitandudo kadagiti makapasayaat a kaugalian ket madama a reprepasuen ken tinawen a pomponduan ti Konseho ti Siudad ti Honolulu babaen ti Executive Operating Budget wenno ti Executive Capitol Budget and Program.

### **No Pumasa ti Singasing:**

Mabukel ti Pondo iti Panangsango iti Klima a mangpondo para iti panangprebentar, panangisubli ken panangisuro nga addang mainaig iti panagbaliw ti klima, ken ponduan ti kagudua ti maysa a porsiento ti natantia a tinawen a mapastrek ti Siudad iti buis dagiti sanikua. Ti sasao nga, “a saan a maigiddan a maingato ti buis dagiti sanikua tapno maponduan dayta,” nupay kasta, ket saan koma nga ipapan a malimitaran ti bileg ti Konseho ti Siudad ti Honolulu a mangingato iti buis dagiti sanikua iti isu met laeng a tawen a ponduanna ti Pondo iti Panangsango iti Klima.

## **S2: (ILOCANO)**

### **Saludsod:**

“Rumbeng kadi a maamendaran ti Rebisado a Karta ti Siudad tapno maipasdek ti Departamento ti Panangimanehar iti Emerhensia kas agsolsolo nga ahensia ti City Executive Branch babaen ti panangdesignar ti Department of Emergency Management iti naisina a kapitulo iti Karta ti Siudad nga umasping kadagiti kapitulo a naidesignar iti amin a dadduma pay a departamento ti Siudad; tapno ipasiguradona nga amin a posision iti Departamento ti Panangimanehar iti Emerhensia, agraman ti Direktor ken Katulongan a Direktor-na, ket adda iti sidong dagiti linteg

ti serbisio sibil; ken iyepesipikona ti kababaan a kualipikasion para iti posision ti serbisio sibil iti Direktor ti Panangimanehar iti Emerhensia, nga addaan kanayonan a kababaan a kualipikasion maitunos kadagiti linteg ti serbisio sibil?”

WEN SAAN

### **Agdama a Situasion:**

Ti Departamento ti Panangimanehar iti Emerhensia (“DEM”) ti Siudad (a dati a pagaammo kas ahensia ti depensa sibil) adda iti agdama iti sidong ti Opisina ti Manangimanmanehar a Direktor, ngem saan a naidesignar iti bukodna a kapitulo iti sidong ti Karta kas iti dadduma pay a departamento ti Siudad. Ti pang-umili a komision ti panangbalakad maipapan iti depensa sibil ket naisina nga ahensia a direkta met nga adda iti sidong ti Opisina ti Manangimanmanehar a Direktor.

Ti panangpili ken panagtultuloy dagiti posision a direktor ken katulongan a direktor ti DEM ket masapul a maitunos kadagiti paglintegan ti serbisio sibil, kayatna a sawen, maitunosda koma iti prinsipio ti pannakaikari. Ti Department of Human Resources, a mangipatpatungpal iti serbisio sibil a programa ti Siudad, kalikagumanna dagiti minimum a kualipikasion para iti posision a direktor ti DEM a maitunos iti prinsipio ti pannakaikari. Ikeddeng ti Karta dagiti trabaho ti direktor ti DEM ngem saan a dagiti minimum a kualipikasion para iti dayta a posision.

### **No Pumasa ti Singasing:**

Ti Executive Branch ket mabaliwan a maorganisar tapno ti designaran ti DEM ti bukodna a kapitulo iti sidong ti Karta, kas iti dadduma pay a departamento ti Siudad, ken ti pang-umili a komision ti panangbalakad ket adda iti sidong ti DEM. Dagitoy a panagbalbaliw saanda nga apektaran ti termino ti agdama a direktor ti DEM nga agserserbi inton Enero 1, 2025.

Dagiti amendasion ti kapada a Karta ket mapagbalin a linteg tapno masigurado a dagiti posision a direktor ken katulongan a direktor ti DEM ket agtultuloy a sumurot kadagiti paglintegan ti serbisio sibil. Espesipiko a maipuera kadagitoy nga amendasion dagiti posision a direktor ken katulongan a direktor ti DEM manipud autoridad ti komision iti sueldo, a mangdeterminar kadagiti sueldo dagiti panguluken ken katulongan a panguluken ti departamento, ken manipud kadagiti eksepsion manipud iti serbisio sibil nga agaplikar iti amin a dadduma pay a direktor ken katulongan a direktor dagiti agsolsolo a departamento.

Maamendaran met ti Karta tapno malawlawagan dagiti trabaho ti direktor ti DEM ken mangnayon iti dadduma pay a trabaho, a pakairamanan ti pannakayimplementar dagiti programa a panangsanay, panagehersisio, ken pang-publiko nga impormasion a mainaig iti panangimanehar iti emerhensia. Kamaudiananna, silalawag nga iraman ti Karta dagiti minimum a kualipikasion ti DHR para iti posision a direktor ti DEM, ken agkiddaw iti kanayonan a kualipikasion a di kumurang a lima a tawen a responsable a panangimanehar a kapadasan iti

panangimanehar iti emerhensia, panagplano para iti didigra, wenno panangimanehar kadagiti serbisio iti kinatalged ti publiko, a ti di kumurang a dua a tawen dayta ket masapul a karaman ti panangiwanwan iti panangimanehar iti emerhensia wenno kadagiti aktibidad ti seguridad ti pagilian, wenno agpada.

### **S3: (ILOCANO)**

#### **Saludsod:**

“Rumbeng kadi a maamendaran ti Rebisado a Karta ti Siudad tapno maipasdek ti Komision iti Kinatalged ti Taaw a mangrepaso ken agirekomenda iti sumagmamano nga aktibidad ti Departamento ti Kinatalged ti Taaw ken mangapointar iti Hepe ti Kinatalged ti Taaw?”

WEN SAAN

#### **Agdama a Situasion:**

Maitunos iti daytoy nga autoridad iti sidong ti Rebisado a Karta ti Siudad Seksion 4-202, kaipaspasdek ti mayor ti departamento ti kinatalged ti taaw (“OSD”) kas agsolsolo nga ahensia manipud kadagiti departamento a mangipapaay iti pang-emerhensia a serbisio nga ayanna. Ti OSD ket idauluan ti maysa a direktor ti kinatalged ti taaw nga inapointaran ken mabalin nga ikkaten ti mayor.

#### **No Pumasa ti Singasing:**

Amendaran daytoy a resolusion ti Karta tapno mabukel ti lima-miembro a komision ti kinatalged ti taaw iti uneg ti OSD nga addaan iti autoridad, karaman iti dadduma pay a banag, a mangaramid iti rekomendasion iti tinawen a badyet ti OSD; mangrepaso kadagiti operasion ti OSD ken mangirekomenda iti pasayaaten; mangaramid iti tinawen nga ebaluasion iti maar-aramidan ti hepe ti kinatalged ti taaw; dumnggeg kadagiti reklamo dagiti umili maipapan iti OSD wenno kadagiti empleadona, ken agirekomenda iti hepe ti OSD no ania ti mailinteg; ken mangisumitir iti tinawen a report iti mayor ken konseho maipapan kadagiti aktibidad ti OSD.

Kas kanayonan, ti posision a titulo a “direktor” ti OSD ket suktan ti titulo a “hepe” ti OSD. Ti hepe ti OSD ket apointaran ti komision ti kinatalged ti taaw ken mabalin a maikkat kalpasan laeng a maawatna dagiti rason a maikkat ken maikkan iti gundaway a madengnggeg iti sango ti komision ti kinatalged ti taaw. Ti direktor ti OSD nga inapointaran ti mayor ket agtultuloy iti posisionna agingga Disiembre 31, 2024, ket agtultuloy nga agserbi kas direktor ti OSD agingga a ti komision ti kinatalged ti taaw ket mangapointar iti baro a hepe.

## **S4: (ILOCANO)**

### **Saludsod:**

"Dagiti kadi probision ti Nabaliwan a Charter ti Siudad a mainaig kadagiti sueldo dagiti miembro ti Konseho ket mabaliwan tapno matun-oy dagiti tinawen a panangingato iti saan a dakdakkel ngem lima a porsiento, a mangikaspulan ti aniaman a panagbaliw a nainaig kadagiti panagbaliw iti tinawen a sueldo dagiti empleado ti ciudad ken dagiti yunit ti pangsapasap a panangtawar ti Siudad, ken maikkat kadi ti autoridad ti Konseho nga ibotos ti bukodna a panangingato ti sueldo?"

WEN SAAN

### **Agdama a Situasion:**

Maibatay iti Revised City Charter Section 3-122, ti komision ti sueldo ("Commission") ket mangipasdek babaen ti resolusion dagiti sueldo para iti sumagmamano a posision ti munisipio, agraman dagidiay ti Konseho ti Siudad. Dagitoy a sueldo ket masapul a maitunos kadagiti prinsipio ti "umdas a kompensasion iti trabaho a naaramid" ken "panagtalinaed ti nainsiriban a relasion iti sueldo dagiti dadduma nga empleado ti Siudad." Mabalin nga awaten wenno ilaksid ti Konseho ti Siudad ti aniaman a paset ti resolusion ti Komision, agraman ti aniaman a paset a mainaig kadagiti bukod a sueldo dagiti Miembro ti Konseho.

### **No Pumasa ti Singasing:**

Mabaliwan ti Karta tapno kasapulan nga mangipaulog ti Komision iti maysa a resolusion a mangipasdek kadagiti sueldo para kadagiti Miembro ti Konseho ken naisina a resolusion a mangipasdek kadagiti sueldo para kadagiti dadduma a posision.

Maipanggep kadagiti sueldo dagiti miembro ti Konseho, ti aniaman a masakbayan a pannakaingato ket malimitaran iti 5% iti tinawen ken nasken a "kaaduanna a katupag" iti promedio dagiti kaudian a tinawen a panagbalbaliw ti sueldo dagiti nadumaduma a kolektibo a panagtutunos a yunit ti ciudad. Ti Konseho ti Siudad awanen ti autoridadna a mangawat wenno mangilaksid iti resolusion ti Komision a mainaig kadagiti bukodna a sueldo.